

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum Referendi modum accommodatæ. Opus Novum

Complectens alteram Decretalium medietatem, videlicet nonaginta duos Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio. An in hoc casu potuerit Cypriano deferri juramentum suppletotium, eoque præstito declarari Professio nulla?

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

QUÆSTIO

An in hoc casu potuerit Cypriano deferri juramentum suppletorium, eoque præstito declarari Professio nulla.

Rationes dubitandi.

Hac in re Auctores, quorum multis & præclaros inspexi, inveni valde rigidos, ita ut plerique nolint admittere juramentum suppletorium, & eo mediante Professionem declarari nullam, argumentum sumentes à paritate cum Matrimonio; sic enim arguere solent: bonum deducitur argumentum à Matrimonio carnali ad spirituale. *Per can.* sicut vir *II. caus. 7. q. 1.* Sed Matrimonium carnale ob præfam fictionem, quam quis probare præviis indicis per juramentum suppletorium intendit, non potest dissolvi, vel declarari nullum à Judge pro foro externo. *Suar. To. 3. de virt. & stat. Relig. I. 7. c. 3. n. 5. & 6.* *Sanch. I. 2. de matrim. d. 45. n. 3.* *Gutierrez de matrim. c. 49. n. 41.* *Laym. I. 5. tr. 10. p. 2. c. 6. n. 3.* *Barbos. in Collectan. in c. 2. de probat. n. 17.*

Hunnius *Encyclop. p. 2. tit. 14. n. 4.* *n. 4.* *Gobat. Theol. Exper. II. 10. n. 713.* *Masc. Concl. 958. n. 43.* *Gail. I. 2. observ. 94. n. 4.* *Pirhing ad m. de Jure iur. n. 97.* *P. Wielchner. & alii multi apud iplos: ergo nec Professio Religiosa sic dissolvi, nec declarari nulla pro foro externo à Judge potest; id quod in specie de ipsa Professione asserunt Cajetanus & Navarrus apud Sanchez *I. 7. d. 37. n. 14.* Præter hanc auctoritatem *Minor probatur I. Ad dissolendum Matrimonium requiruntur probationes clarissimæ de ejus nullitate, per c. 3. qui matrim. accus. si fin. de sent. & re jud. & I. fin. C. de probat. Fagn. int. consultationi de sponsal. n. 4. s. P. Kugler de matrim. n. 68.* Sed iuramentum suppletorium non facit probationem clarissimam, ut patet à paritate cum criminalibus causis & valde arduis, quibus æqui-*

paratur causa Matrimonii dissol-
vendi. Unde probatur eadem
min.

1. Matrimonium æquiparatur
causis valde arduis, quia inducit
statum vitæ perpetuum. Gail. n. 6.
& alli communiter, item criminali-
bus. Gobat lo. cit. atqui in causis val-
de arduis non admittitur juramen-
tum necessarium seu suppletorium.
Gail. n. 8, cum communi, neque in
criminalibus regulariter, ut notat
Bartol. plenè in l. maritus. n. 4. ff. de
quaest. alisque: ergo.

3. Contra actum, pro cuius
valore stant fortissimæ Juris præ-
sumptiones, qualis est contractus
matrimonialis cum solemnitate, vi-
debet coram Parochio & testibus,
initus non admittitur juramentum.
Masc. De Probat. consil. 94. n. 20. Me-
noch. &c. apud Gobat lo. cit. ergo.

4. Qui confitetur, se prius
fictè confessisse, & sic nequiter pro-
cessuisse, hoc ipso admittendus non
est ad juramentum, utpote meritò
suspectus de perjurio committendo,
& hinc non dignus: sed, qui à ma-
trimonio vult recedere ex causa fi-
ctionis, constitutus se fictè confen-
sisse, & nequiter processuisse: ergo.

5. Si tale juramentum suffice-
ret, possent homines improbi pro-
hibitum irritare matrimonia, pacta,
contractus, Professionem Religio-

sam &c. dicendo, se non verè con-
fessisse: sed hoc est contra omnem
proxim tribunalium, contra c. vidua
4. de Regular. ergo. Et sanè para-
doxum esse videatur, in propria cau-
sa, eaque gravissima, & tertio ac
Reipublicæ præjudiciosa sufficere
juramentum in foro externo; Cùm
nimis indignum sit juxta legitimas sanctio-
nes, ut, quod sua quisque voce dilucide
protestatus est, in eundem casum propriè
valeat testimonio (etiam jurato, nam
de tali Pontifex loquitur) infirmare. c.
per tuas 10. de Probat. l. generaliter 13.
C. de non num. pecun.

6. Siquis cum una revera fictè
contraxisset matrimonium, dein
autem cum alia verè, talem cogit
Ecclesia ad cohabitandum priori
conjugi existimatæ, ut docet com-
munis cum S. Thoma, Sanch. Laym.
&c. quamvis debitum conjugale nec
reddere nec petere posset talis dece-
ptor, sed potius teneretur sustinere
excommunicationem pro foro ex-
terno (nam pro foro interno non
ligaret censura, utpote fundata in
præsumptione falla veri confessus.)
per c. 44. de sent. excomm. Sed, si jura-
mentum plenè probaret fictionem,
Ecclesia non posset talem cogere ad
cohabitandum primæ uxori, sed de-
beret ipsi juramentum deferre, quo
probaret, se tanèum fictè contra-
xisse cum illa: ergo.

Y 2 Rā-

Rationes decidendi.

QUamvis hæc argumenta minime contemnenda, & valde ponderosa sint, propendo tamen in oppositam sententiam mitiorem, & non solum huic misero homini, sed etiam Religioni, cui expedit tam molesto liberari onere ac membro periculo, magis optabilem. Censo proin (quamvis non sine formidine, cum denum à prudentia arbitrio pendeat determinare, quænam sint indicia ad delationem jura-menti suppletorii sufficiencia) Cyprianum in his circumstantiis posse admitti ad juramentum, quo compleat probationem factæ Professionis suæ, aeo posito liber à Religione dimitti. Pro hac mea opinione non immerito citare mihi videor doctissimum Portel in *dubius Regular. V. professo. n. 50.* cui ad delationem juramenti sufficiunt conjecturæ probabiles & probatæ præcedentes, eruditissimum juxta ac amoenissimum & in sacra Praxi versatissimum P. Georgium Gobat *lo. cit.* celebrissimum Andream Gail *n. 12.* verè classicos Panormitanum Abbatem in *c. si mulieri 34. de Jurejur. n. 7.* & Thomam Sanchezum *de matrim. l. 2. d. 45. n. 4. seqq.* cum Sylv. Nav. Bartholom. & Petro de Ledelma, Covaruv. & aliis, quos allegat: item recentissimum P. Joannem Kugler de

matrimon. n. 583. & plurimos alios, quibus etiam ad dissolvendum matrimonium (consequenter ad dissolvendam quoque Professionem Religiosam) sufficit præcedens semiplena probatio, vel præsumptiones graves, urgentes, ac tanti momenti, ut conjunctim faciant semiplenam probationem, præsumptione opposita non refringibilem. Addi quoque potest solidissimus æque & cautissimus Paulus Laymannus *la. cit.* ubi ait sufficere, si deceptor deceptionis suæ clarissima edat indicia. Ratio est, quod ea, quæ in solo animo latent, uti fictus consensus, vix aliter probari & directe nequeant plenè, quam per juramentum. Sanch. loc. cit. & *l. b. 1. d. 62. n. 6.* Barbosa in *c. significati 16. de homicidio.* Mascar. Menoch. Pax Jordanus apud Goba; cum fictio sebeat contingere sine testibus & instrumentis. Unde

Sic argumentor: bonum & efficax ducitur argumentum à matrimonio carnali ad spirituale, seu ad Professionem Religiosam, ut ipsi met Adversarii argueant: sed matrimonium carnale dissolvi potest, si assertens se facte tantum consenserit, si habeat pro se graves & violentas conjecturas fictionis, ad semiplenam probationem efficiendam sufficien-

tes, ac insuper iuramentū fictionem affirmer, ita ut viro prudenti fiat moralis certitudo fictionis, cūm major & metaphysica haberi nequeat, uti docent allegati & multi alii DD. & arbitrio Judicis committunt considerationem conjectura- rum ex circumstantiis elucecenti- um: ergo & Professio Religiosa dissolvit, seu nulla declarari, potest ob tales conjecturas fictionis ac- cedente iuramento suppletorio; imò magis & facilius, quia tam gravia incommoda non sequuntur ex de- clarata nullitate Professionis Reli- giosa, ac ex declarata nullitate ma- trimonii: si enim istud forte suis- let validum & tamen dissolveretur, pronum foret utramque Partem ad novas Nuptias transire, ac in per- petuis adulteriis &c. vivere: dein matrimonium semel validē contra- dum & consummarum nulla auctoritate humana, etiam Summi Ponti- fices, dissolubile eit: econtra si Professio Religiosa verè valida pro- nuntietur nulla, non sequuntur adul- teria exinde, & quamvis forte Sa- crilegia committeret deceptor, si ad Matrimonium convolaret, lon- ge tamen plura & majora peccata, cum scandalo etiam conjuncta, for- trui commisset in Monasterio: sed, inquam, committeret Sacri- legia convolans ad Matrimonium; cum enim in potestate Ecclesiastica, nempe Pontificis, absolute sit Pro- fessionem validam dissolvere ac ir-

ritare, atque judicium super valore Professionis commiserit Episcopis cum Superioribus Religionum forte hoc ipso videtur dedisse potestatem dissolvendi ac irritandi (ad cavenda nempe peccata) Professionem for- tassis validam, ubi probationes nul- litatis pro foro externo ipsis viden- tur sufficienes, saltem accidente iuramento: quo pacto cessaret ob- ligatio servandi vota Religiosa, li- cet fuissent valida, & evitarentur Sacrilegia; sicut aliorum votorum obligatio cessat, si accedat dispen- satio, licet hæc sit innixa causæ so- lūm apparenter probabili & proba- tæ, ac revera sufficiens causa non adsuisset, si nempe petens dispen- sationem bona fide processit, & abs- que dolo.

Jam subsumo: atqui in præ- senti casu adsunt valde probabiles ac probatæ conjecturæ, & indicia commissæ à Cypriano fictionis in sua Professione tam urgentia, ut facere possint prudenti Judici pro- bationem semiplenam, neque con- stat de dolo Cyprianis scienter falsam causam allegantis pro obtinenda dis- pensatione: ergo Judex poterit Cy- priano deferre juramentum supple- torium ad complendam probatio- nem fictionis convincentem (seu moralem certitudinem) consequen- ter ad dimittendum Cyprianum, & ad declarandum à votis liberum. Ante, probatur adducendo indicia, quæ ex circumstantiis facti petun- tur;

tur: cuiusmodi est 1. Quod Cyprianus durante etiamnum Novitatu quibusdam Patribus Monasterii saltum obscuris & dubiis verbis manifestaverit difficultatem in edenda Professione, & fortè non edendam Professionem. 2. Et quidem (licet eam non aperuerit) ex causa & metu paupertatis sibi imminentis, ac prævisæ ex defectu necessariæ sustentationis, fictam professionem suadentis, ut saltem ad aliquod tempus haberet, unde viveret, sperans intra quinquennium sibi concessionem ad reclamandum mutandas esse cunctas & media sustentationis obvenatura. 3. Quod paulò post editam Professionem (& hoc indicium Sanchezius d. d. 45. n. 6. pro sufficienti agnoscit) primoribus Patribus sèpius diserte & claris verbis edixerit, se non seriò, sed hinc professum esse, imò successivè & ipsi Superiori, eum rogitans, ne adiageret ad suscipiendos sacros Ordines, èd quòd nunquam habuerit animum seriò profundi, & invalidè professus sit Religionem. 4. Quod jam semel actu præfiterit juramentum assertorum de ficta sua Professione coram Pro-Episcopo, quem indubitata (licet per errorem) tum crediderat esse legitimum Judicem. 5. Quod intellecta nullitate primi processus ad folius Confessarii vocationem relicta Viennâ, ac insuper habita longissimi itineris

& expensarum difficultate, sednuo in habitu Religioso stiterit praesentem Ordinario & Superiori suo (legitimis modò Judicibus) ut sanctionibus Concilii Tridentini obedientiam præstaret, suamque conscientiam redderet tranquillam; id quod meò judicio certè non fecisset, nisi certum habuisset, se fide & invalidè professum fuisse, & haec tandem paritione quietem animi per legitimorum Judicium sententiam obtainere posse; si enim certus non fuisset de ficta & invalida Professione, pro foro interno utique nec per alteram sententiam sperare animi quietem potuisset: adde, quod iurata communem sciens nullitatem sue Professionis non teneatur eam validare, sed bonâ conscientiâ clamfugere posset, modò absit scandalum multò minus ergo tenetur publice & apparerter validè dimisius iterum se sistere: pro foro autem externo suffecisset ipsi prima sententia abdulatoria, licet illegitime lata, atque iussa altioris potestatis vi coactiva pollentis, exspectâsser. Ethocindicium apud me est præcipuum, ac verè violentum, & clarissimum dici meretur, ac vel se solo sufficiens, ut admittatur Cyprianus, qui per hoc se ostendit emendatum, & timorata conscientia, ad juramentum suppletorium.

Occur-

Occurritur Rationibus dubitandi.

Syllogismus principalis, quo uteatur Adversarii, etiam probobis recte applicatur, ut ostensum est: cum, ubi agitur etiam de dissolvendo Matrimonio, locum inveniat juramentum supplementorum, si præcessit semiplena probatio vel conjecturæ nullitatis probabiles & probatae, aut indicia violenta & gravia, præsertim si nullitas fundetur in ficto consensu, eò quod fictio, utope in solo animo confitens, aliter yix unquam probari satis valeat. Unde negatur Minor Syllogismi. Auctores ex allegatis plerique limitant suam doctrinam, nisi adsint indicia urgentia, gravia, aut semiplena probatio, uij Barbos. Hunnius, Mascard. Gail, Gobat &c. vel loquuntur de casu, quo deficiunt conjecturæ & indicia gravia, & violenta &c. utique enim non credendum est prædicto juranti se fictè Matrimonium contraxisse, vel Professionem emississe, ut notat Sanch. l. 7. d. 37. n. 14. cum Cajetano &c. Navarro; nam idem Sanchez statim subjungit: *di si revera intentis circumstantiis prudenter quisque morali certitudine coniuncti, illum veritatem afferere, dicendi, se facte professum esse, posset utique*

illi superior credere: Si ergo sola indicia vehementissima possint moralem certitudinem facere juxta Sanchezium, ut prudentissimus quisque posset credere, Matrimonium vel Professionem nulliter contractum vel editam fuisse, quid prohibet, quò minus ob indicia valde gravia, qualia in præsenti non desunt, licet forte vehementissima & se solis sufficientia non sint, accedente juramento supplementario facient moralē certitudinem, ut prudens, imò prudentissimus, Judex idem credere possit? Mētem suam nostrā conformem pro casu, quo accedit juramentum, satis expressit Sanch. l. 2. d. 45. n. 4. seqq. Dein Major Syllogismi Adversariorum non ita est certa & expedita, ut distinctionem non admittat. Sic ergo distingui potest: bonum deducitur argumentum à Matrimonio carnali ad spirituale, h. e. sāpe quidem, & ubi est ea demratio. L. Ma. semper, & quando est diversa ratio. N. Ma. Ex dissoluto Matrimonio semel validè contracto sequuntur longè plura incommoda & graviora, quam ex dissoluta Professione semel validè emissa: dein Matrimonium nec au-

authoritate Pontificis dissolvi potest, bene tamen Professio Religiosa, & ad hanc dissolvendam, vel potius ad ejus nullitatem declarandam, Ecclesia etiam Episcopo cum Superiore Regulari dedit potestatem: ergo, cum minor sit ratio in Professione Religiosa, facilis ad hanc dissolvendam admitti debet juramentum.

Ad 1. probationem *Minoris* dico, clarissimam probationem, etiam in Criminalibus & valde arduis, præsertim in causis difficilis probationis, quales utique etiam sunt, ubi agitur de vero vel ficto consensu, haberi posse etiam ex foliis indicis valde violentis & vehementissimis, uti docui in meo *Candidato tit. de Præsumptionib. & ex indicis* valde gravibus accedente juramento, uti docui *iii. de Probat. & tit. de Jurejur.*

Ad 2. Esto, quod causa Matrimonii dissolvendi, uti & Professionis Religiosæ annullandæ, regulariter æquipareatur causis valde arduis & criminalibus criminaliter intensatis (id quod tamen non procedit in omnibus & quoad omnia) & sic regulariter locum non habeat juramentum suppletorium. Actori deferendum; istud tamen locum obtinet in causa Matrimonii, & adhuc magis in causa Professionis dissolvendæ, si pro auctore dissolutionem vel potius declarationem nullitatis petente stant, valde graves

conjecturæ, & indicia valde urgentia, ac aliunde nulla suppetere potest probatio, uti in præcedentibus probabiliter docuimus tam ex auctoritate DD. quam ex ratione intrinseca; sicut etiam in causis valde arduis admittitur subinde juramentum suppletorium, ubi valde graves conjecturæ militant pro auctore, saltem tales, quæ faciunt plusquam semiplenam probacionem, & ubi aliunde probatio sufficiens non suppetit, sicut etiam in Criminalibus quandoq; datur locu[m] juramento purgatorio. Plane si in concursu tam gravium conjecturæ non posset allegans fictionem, abque juramento nunquam satis probandum, admitti ad juramentum suppletorium, non amplius habret ullum remedium sufficiens liberandi ab onere tam gravi, vel Matrimonii vel Professionis nulliter factæ, sed adigeretur talis (ut ut maximè inidoneus) ad statum multis animæ periculis, scandalis, & gravissimis incommodis obnoxium, quæ incommoda etiam in ipsam Religionem & Rempublicam facile redundarent; quod placet nec Jura nec recta Ratio exigunt. Et hæc utique causa est, quod DD. plerique admittrant in Sponsalibus, quæ quis fictè à se inita afferit, delationem juramenti suppletorii, ubi probabiles & probatae adiungunt conjecturæ ficti consensu, ne nimirum talis adiugatur ad statum in-

dissolubilem Matrimonii, ex quo difficultes exitus facile orituri prævidentur, & meritò timentur.

Ad 3. Dif. Ant. Contra actum, pro quo stant fortissimæ Juris præsumptiones, non admittitur juramentum, si sint præsumptiones Juris & de Jure. C. Ant. Si sint præsumptiones Juris tantum, uti sunt, quæ stant pro valore solemniter contracti Matrimonii, & præser-tim quæ contra valorem Professio-nis solemniter editæ. N. Antec. vel Subdif. nisi adsint tam graves conjectura & præsumptiones contra valorem, quæ saltem unā cum juramento possint facere plenam probationem. C. si adsint. N. Antec. & Cons.

Ad 4. N. Maj. vel Dif. Hoc ipso admittendus non est ad juramentum tanquam suspectus de perjurio committendo, nisi per conjecturas graves & urgentes semiplenam vel plusquam semiplenam probationem efficienes removeat a se suspicionem perjurii. C. Maj. si sic removeat. N. Maj.

Ad 5. eodem modo Dif. Maj. pro libitu possent irritare Matri-

monia, contractus, pacta, profes-siones Religiosas &c. Si sufficeret juramentum absque gravibus conjecturis & violentis indicijs fidei consensūs &c. C. M. si sufficiat il-lis concurrentibus. N. Maj. Jura per se non prohibent Actorem in pro-pria causa jurare, sicut alias proba-tiones pro se adducere non prohi-bent. Eque fortassis, vel etiam magis, Reipublicæ & Religioni præ-judicium foret, si quis fidè con-sentiens in casu, quo tam violen-ta fictionis commissæ indicia sunt, adigeretur invitissimus ad cohabita-tandum uxori putatitiae, vel homo valde inidoneus aut imprebus ad perseverandum in Religione, cum ingenti periculo gravissimorum peccatorum, & scandalorum.

Ad 6. N. Min. vel dif. non pos-set Ecclesia cogere ad cohabitandum primæ uxori, si adsint valde graves conjecturæ Matrimonii primi fidè initi. C. Min. si non adsint. N. Min. Ratio negandi patet ex dictis.

